

RM1.8 juta hasil laut dirampas

Sinar Harian 10/7/2019 m/s 38

Tiga bot pukat tunda ditahan di tiga lokasi

NOOR AINON
MOHAMED YUSOF

SITIAWAN

Jabatan Perikanan Perak menahan tiga bot pukat tunda yang berpangkalan di Pantai Remis di tiga lokasi berasingan di sekitar Pulau Talang di sini kelmarin.

Ketua Pangkalan Utama Cawangan Perlindungan Sumber (CPS) Kam-

pung Aceh, Mansor Yobe berkata, sebanyak lebih 200 kilogram (kg) hasil tangkapan laut dengan nilai keseluruhan RM1.8 juta turut dirampas.

Menurutnya, kesemua bot ditahan di kedudukan sekitar 10 batu nautika dari Pulau Talang pada jam antara 9.30 pagi hingga 11 pagi itu.

"Pemeriksaan lanjut mendapati ketiga-tiga bot tunda Zon C berkenaan telah melanggar syarat sah lesen iaitu menangkap ikan kurang 15 batu nautika dari pantai," katanya dalam satu kenyataan di sini semalam.

Beliau berkata, pemeriksaan lanjut mendapati tiga pekerja terbabit tidak



Lebih 200kg hasil tangkapan dirampas daripada tiga bot nelayan kelmarin.

mempunyai permit penangkapan ikan nelayan asing.

"Sembilan kru warga

Thailand yang berusia antara 26 hingga 66 tahun turut ditahan. Bagaimanapun kesemua kru bot telah dijamin



Bot pukat tunda yang dikendalikan kru warga Thailand ditahan selepas didapati melanggar syarat sah lesen di Sitiawan kelmarin.

oleh majikan masing-masing," katanya.

Katanya, kesemua bot ditunda ke Jeti Cawangan

Perlindungan Sumber Kampong Aceh untuk siasatan lanjut mengikut Seksyen 8(b) Akta Perikanan 1985.